



文苑
蒲蔽
丸

祭文
樂章

文苑蒲蔽丸

~ 20
2457
10



紅
2332/10

門 20
號 2457
卷 10

文苑黼黻卷之十九目錄

祭文五

郊壇山川

南郊祈雨親祭文

三

預備

南郊祈雨攝享祭文

三

風雲雷雨祈雨祭文

四

北郊祈雨親祭文

北郊祈雨攝享祭文

二

北郊祈雪攝享祭文

雩宗祈雪攝享祭文

緯續書齋

龍仁南齋
自齋
昭

文苑黼黻 卷之十九 目錄

雩宗祈雨攝享祭文

雩宗報謝攝享祭文

司寒祭文

國內山川祈雨祭文 六

祭漢拏山文 二

祭東海神文

祭溫陽郡溫泉文

溫泉報謝祭文 二

濬川祭白岳木覓川渠之神文

四門崇祭文

先農壇祈雨親祭文 二

預備

先農壇祈雨攝享祭文 二

東郊厲祭文

西郊厲祭文

南郊厲祭文

北郊厲祭文

濬川祭掩埋之神文

先牧壇牛疫祈禳祭文

三角白岳木覓松岳松蟲祈禳祭文

平安道黃海道醮祭文

Blank area with vertical lines for writing.

文苑黼黻卷之十九

祭文五 郊壇山川

南郊祈雨親祭文

惟皇上帝職燾群生神化斯普獨運難成授職上下
分命神人流形澤物合德同仁神職伊何動潤噓鼓
人代維何刑政德教幽顯雖殊厥職惟均作斯赦宥
屯以經綸雖予不穀荒廢天職神宜愆予克副人責
神胡罔念若效予郵事急燃眉民將盡劉嬰茅潔築
躬詣社稷徹誠莫徹冥應愈邈回瞻太乙默禱穹昊
陰雲乍簇烈日旋杲臨民有覲對天何辭憊尤畢露

文苑叢書 卷之六
予將誰欺網頽政紊財罄民逋皆予之罪彼民何辜
金石雖頑匹夫猶感神明在上寧不予監蘇枯沃焦
晷刻政急雖激東海失今靡及情迫疾踊冀蒙聽卑
神如施惠今日為期

右風雲雷雨

恭惟嶽瀆鎮紀邦國興雲吐雨功溥施博有誠必假
有禱輒應顧予情邈敢干神聽饑癘三載又降旱虐
哀我赤子載胥溝壑國將疇依予欲無覺惟社與稷
則不我顧不告于神于誰更籲植璧省躬益增顏厚
仁天示譴皆予之罪往雖未追來猶可戒尚冀改圖
少答天怒非循故常外引憊咎一字非誣一言非假

俯諒血誠亟賜滂霈

右國內山川

有築維金有鑿維湯環都利鉅保民功彰驅除厲鬼
福我壽我咨予萬德獲戾上下饑饉疾疫三歲于茲
早又大甚民將靡遺匪民有罪職由予誓民露其骸
予猶細糲民菜其色予猶玉食強顏來籲疇堪發赤
及今得雨尚可蘇枯神其降監惠此無辜謂旱天行
不容神力惟茲四神暨厥嶽瀆一體炳靈飲食於斯
神宜告教啓發仁慈雲者為雲雨者為雨山騰川潤
叶成甘霑民甦國活孰非神賜倘格微誠辭不盡意

右城隍○大
提學姜觀製

南郊祈雨親祭文

維天蓋高職燾群生精有相感其理甚明眇予嗣位
 兢業匪懈慎德勤政祇畏天戒自春不雨陽亢陰遁
 迨茲仲夏未黍皆實遍禱群望神不我應乃詣南郊
 身自薦洞咨民何罪眾實在予念茲名災鬱悒未紓
 奢風未革殫財滲儲朝廷不肅剝吐柔茹民役未簡
 徵死責逋刑獄不清荷校冤呼兵籍太廣害及朽骨
 經稅日增殫地所出守宰貪肆腴剝是競推埋連發
 桴鼓屢警言徵厥咎予實有覲庶幾改圖庸答天譴
 神其降監叱風噓雲惠我甘澍以濟林芸

右風雲雷

維山岌業維水滉漾為國為民的有庇貺遂秩其祀
 以報神惠有禱必應功鉅難計續洪圖祇勤懷柔
 胡茲亢旱貽我民憂播種既訖麥將無屢款明神
 庶蒙澤枯神茲漠漠予用親祀靜念感名絲予政疵
 神之所職興雲致雨監予明衷亟賜甘澍

右國內山

鬱鬱漢京有城有池明神所宅國所庇依春秋紀報
 自古靡訾民蒙其貺永賴萬年咨彼魁虐自春徂夏
 田疇龜坼瘁我農稼潔牲奠璧靡神不舉瞻彼杲杲
 神不我恕爰虔予齋偃樓以告哀民無罪自責自禱
 苟予不德宜予是謫神若惠雨期以此夕

右城隍

任相
元製

南郊祈雨親祭文

穆清有神神各有司動之蒸之發之潤之蕃此萬物
仁及無窮致用雖殊駿功則同如何太陽杲杲其光
於乎百穀不苞不方其鼓其歌其震其濡胥釐厥官
用答大雩 右風雲雷雨

藹藹山川可以出雲擎于膚寸布以鈔溫讓讓者露
祁祁者雨故歛厥施燎我土宇卉木既槁鳥無所依
淵泉既竭魚無所歸哀彼農夫抱耒以泣神如降鑑
庶救斯急 右國內山川

城隍永靜與社俱寧天早有禱其應則靈閔茲田野
不被水澤草則靡芟木則靡柞夭夭百禾曷月長畝
睨睨三星終夜在留民命將盡匪神孰恤尚速甘雨
以垂陰隲 右城隍○藝文
提學黃景源製

預備

潔誠將行臨事有故遣官替薦采增悚懼

南郊祈雨攝享祭文

明神森列寔天四佐鼓動布護以潤以簸司此大柄
發育萬類早如是酷于何望賜奔走請命不憚屢瀆
罪固在予哀我衆瘠揮霍噴霈亦神度內澤未浹土

庶終神惠

右風雲雷雨

國於天地有鎮有望職司雲雨人受靈貺今胡闕澤
珍我稼穡靜思咎根由予不德乖氣充塞荐降災沴
予固知罪日夕熏厲小雨不終民望益急陳誠渴顛
尚冀周洽

右國內山川

城隍衛國襟抱以固閉縱陰陽微應不誤寡昧失政
致此灾咎依庇明神有急輒顛若今焦涸生類將殄
雖因感名神亦胡忍昔者之雨未足霑濡冀賜一霈

大蘇群枯

右城隍○大提學李敏叙製

南郊祈雨攝享祭文

明明四神分授厥職噫噓鼓潤惠以沛澤胡不時行
焦我田野赤卷肆虐尚靳膏化眇予菲德獲戾于穹
彼民何辜若恫在躬潔誠替訴神其歆格及時沛然
救此焚灼

右風雲雷雨

睠彼嶽瀆為鎮為紀以雲以雨功利普施亢陽彌月
滌滌山川穀將率瘁其望有年予之否德叨主神人
罔克燮理微惠于神齋誠虔禱替遣股肱亟賜一霈
蘇我田塍

右國內山川

節彼城隍衛我民社含靈蓄異協叅玄化今胡不佑
肆茲旱魃密雲其雨旋復出日疾痛之呼捨神伊誰

神如不恤民將奚依爰潔牲幣虔誠替祈霈然靈霍

毋使愆期右城隍○藝文
提學李鼎輔製

南郊祈雨攝享祭文當守丁酉

惟天生物厥用有四風鼓雷動雲行雨施各司其職

妙成功利今何一早自春徂夏神之警告亦既仁止

我之禴穰亦既勤止噓蒸翕聚會厥神用以釀甘露

洽我疆封右風雲雷雨

鬱紆山川為鎮為瀆鍾靈蓄異謚我邦域文秩燎柴

禮崇沉璧自我虔祀垂年四百昔禱而應庶徵恒若

今旱而祈靈感愈邈咨予否德雖神未格胡斯一霈

弗念在昔右國內山川

濯彼城隍有赫其靈衛我民社時厥雨暘何辜今人

早至此極既瘳夏年寧望秋穡由予涼德叨主神人

獲戾上穹貽灾下民虔誠夙夜若已恫瘝神其降格

亟賜霈然右城隍○如製
教沈念祖製

風雲雷雨祈雨祭文

神為不測理則惟一人之休咎有感斯答顧以寡昧

不克肖德獲戾既多示譴宜亟維茲早暘俾民無食

民既無依神亦奚托風伯雲將雷公雨師惟爾有神

實主玄機掌帝之命亮茲天功罪在寡躬宜責寡躬

寡躬有罪下民何辜稽首明神殫予誠告景有一言
劃退熒惑湯陳六責不待言率存古如斯今豈無之
至誠所感聽之云甲陰陽合同協氣旁滋蘇枯活瘁
大施鴻慈報神之賜曷敢小遲神之格斯冀驗於斯

大提學申
光漢製

風雲雷雨祈雨祭文

風之薰矣雲乃油然雷之鳴矣雨斯施焉四德俱順
以時潤物今胡莫念致此旱魃種既不播寧望其穡
嗟我黎民命迫于壑民其何辜罪在不辟雖禱于社
旋闕其澤憂心如焚敢緩自責誠與不誠願質諸神

躬茲出郊牲幣是陳亟垂霽霈活我東人
大提學蒸
裕後製

風雲雷雨祈雨祭文

旱魃瘳我于今二載哀我民斯何蠶何臯牲璧已率
神其靡悔變焦為沃敬恭以待
大提學
趙綱製

風雲雷雨祈雨祭文

嗟予否德弗克于理獲戾上下蓄害駢累仍歲荐厄
予遺禍燼天何靡悔復降茲疾萬口喁喁不謀夕矣
惟神降監曷弗亟矣橐籥其發膚寸而合填填其作
霈霈其澤及時膏之民庶粒食匪違眇躬實神攸托

黃宋製

北郊祈雨親祭文

阿明有宅寔司吐納職是生物胡嗇甘澤豈予為政
燭理未明方行慮囚亦失重輕宜神其怒曷弭災沴
予且自省民則何罪茲飭牲幣庸虔親禱尚賜大霽
活我同胞 右東方東海

雄鎮巨浸主祝融熄曷不膏潤俾枯以蘇豈予臨下
導失其宜暫不歸極互濟其私乖氣之干災豈無名
予方是懲神莫遽怒孰尸長養敢薦圭璧尚歆予誠
亟賜霽澤 右南方嶽瀆

曉茲中都厥有融結胡助旱虐不亨而闕豈予自治

或累私吝折受山澤用歛群怨多口所詛倘致蘊隆
神其且怒予茲若恫親行裸薦益篤誠虔毋慳毋遲
盍賜霽然 右中央嶽瀆

或沅或峙蓐收之方夏旱若茲西成何望豈予自聖
聽言不聰誠之未孚人諱其衷惟德之亢曷能交泰
予知戒此神宜悔禍是用焦遑亟薦牲醴宜霽大霍
以率神惠 右西方嶽海瀆

邈彼坎維乃分峙沅胡瘳以旱慙民之劉豈予憂災
罔實而文敢曰警動泄泄則然宜神夢夢恕我三農
予方責已神亦啓衷苟民靡孑豈神有饗願賜滂沱

慰此願望

右北方嶽瀆

喬岳大川于國之東縱殺祀秩寔昭靈功曠今國勢
亦極艱危神人所助尚庶維持胡茲亢旱瘁我稼穡
豈神警予俾大振作國如有蹶神亦何依冀享芬苾
有興邗邗

右東方山川

維濬維崇望于南鎮厥協太夏群物是潤念彼南民
甫經變亂吟呻未起安集詎緩重以茲旱殆甚甲乙
今如不雨人將靡孑歲飢民散其將奚調亟斡神造
以寬予憂

右南方山川

巍乎木覓作鎮漢都呼吸是通寔應不誣曠我鄰民

曰國根本近失其業載罹飢困矧茲旱寇彌月斯酷
野色無青井泉告涸民將何賴予用是憂宜賜一雨
俾年有秋

右中央木見山

於赫金神實尸玄機興雲作雨利澤普施哀彼邊氓
久失恒產國將有賴予豈忘遠方議寬恤值此極無
民之散亡邊圉亦踈予念及此五內如灼蠲誠薦牲
感應宜亟

右西方山川

穆穆陰化式位于北交濟太和功利斯博念彼北氓
寔遠王化縱有幽鬱誰因誰訴往歲極備民幾靡遺
今茲之旱胡荐其灾倘灾有召予恫若已冀垂陰隲

一霈千里

右北方山川○弘文提學宋寅明製

北郊祈雨攝享祭文

瞻茲崇深奠我西方禮隆望秩越自先王繇予涼德
亢旱為愆誰因誰極所恃惟神風日有損井泉就涸
嘉穀萎黃老農行泣敢竭誠忱不避煩瀆願藉真佑

一霈甘澤

右西方嶽瀆

神於我東若恒與濟興雲作雨感應孔晷夏秋將交
萬實蔚若以神之惠庶幾有穫淒風浹旬烈日杲杲
哀我農民先笑後號予實不辟民則奚辜尚垂矜愍

一蘇焦枯

右北方嶽瀆

寅賓之壻山水攸導赫赫神明寔贊玄造比歲大侵
公私兩病旱魃之災又丁夏令予以否德職在養民
不克有濟微惠于神勢迫涸魚靡愛斯牲願賜甘霖

活我群生

右東方山川

載融載結于彼南服邦有常祀冥應不忒職予德薄
神怒未解淒風日興靈雨不灑當春霈澤謂不我棄
云胡不率反此越視神如不恤更何赴懇尚殫微忱

冀蒙眷佑

右南方山川

我朝相宅在山之麓起居飲食與山相接有功于民
宜莫神若民之望賜亦莫如神職予不辟灾移于民

嚮山而泣神靈不嘯惟山有岫出雲邴邴無慳厥施
雨我公私右中興木覓山

為鎮為紀于國之西於赫厥靈澤及烝黎由予德薄
早魁肆虐瀆告至此良用怵惕賑發年年廩庾如洗
哀我赤子立視其死靜念厥咎寧欲無生願乞靈液
轉瘁為榮右西方山川

流峙于北實叶坎德噓為密雲沛為靈液自予忝位
不克媚神亢旱之酷又丁茲辰六責徒勤神聽夢夢
夙宵焦煎神若靡痼及今霑溉猶可救活庶歆虔誠
蘇此枯暵右北方山川○知
義禁金萬重製

北郊祈雨攝享祭文

當宁丁酉

維東有海百谷之王江漢攸宗龜龍攸藏猗歟神功
最鉅澤物今胡不惠俾肆早魁同雲若雨趁夕以風
何辜于民咎在予躬申將周幣重禱殷野尚挹溟渤
以濡黎庶右東方東海

炎維為紀海嶽與瀆其神斯靈厥施孔碩胡瘳予早
俾民喁喁屯雲闕膏痒我三農言念田野靡甘寢食
失今不雨秋豈有獲明靈有臨能不盡傷尚庶垂蔭
沛以滂滂右南方嶽海瀆

西灝潏瀆嶽峙瀆流施德為利典時之秋胡卑煥乾

而病稼穡數月闕膏一雨新澤秧不入土麥則枯穗
民將無食胡寧坐視念切責躬誠篤薦膺冀垂甘澤
以濡嗷嗷

右西方嶺海濱

維嶽維瀆真于中央赫矣一德環以四方萬品之盛
均受厥澤何今蓄施充陽斯酷寥寥若雨烈烈其曦
哀我下民胡寧忍斯宵寐省愆不遑以寧申薦圭璧

冀垂明聽

右中央嶽瀆

於惟嶽瀆實真坎方功則貞固德在閑淑天一之生
寔主潤物何今不愍而致斯寇鉅罅愆期滿滕如焚
其雨何時但見密雲恤若恫已誠以控申毋以否德

害及彼民

右北方嶽瀆

睠彼陽谷有流有峙斯惟邦鎮亦為國紀生化之心
發育之功云胡不惠而愆我農崇朝以雨趁夕如何
雲猶在山風不鳴柯予或欠誠神倘有意亟賜一霈
俾澤萬類

右東方山川

朱明為靈奠茲山川東作是因南訛攸專興雲施雨
繫流峙功胡今闕澤而致蘊隆諒由否德靡所歸尤
及今不雨寧望有秋矧茲維夏則神之時真應不僭
玄澤庶垂

右南方山川

於赫金神宅茲融結收登百穀孳斂萬物云胡今日

文苑補遺

卷十九 祭文

十一

久闕陰功嘆乾踰朔未麥愆農維夏靡雨及秋焉獲
宵寐省愆視天邈邈豈曰非雨惟霈之慳靈亟垂憐
俾濟斯艱 右西方山川

維南有山節彼巖巖鎮邦為大澤物惟咸胡茲一雨
終靳普施朝隲何意夕霈斯宜靈苟不愆我民何依
藐予否德未遑宵衣神靡不徧禱亦至四冀篤冥祐
以沛靈賜 右中央木覓山

惟茲幽都繫神所宅何山非鎮何水非澤胡今屯膏
曄乾斯極豈不以雨竟靳終夕而况玄冥惟坎之司
灾雖攸名神豈我違民之無食國將焉依敬恭申籲

霈霍是希 右北方山川○知
製教村在源製

北郊祈雪攝享祭文

休咎之應乃人所名由予否德丁此不吊年年大侵
極于今日又復冬乾終古罕覲窮陰將變尚無一雪
震電轟燁氛霧昏塞花開若春麥將無秋仰惟明靈
坎德是修時之奪序神豈無羞頽哀下民亟惠祥休

持謙製

雩宗祈雪攝享祭文

惟神之柄專在火維至陽赫赫南訛是司苟舛厥道
斯謂愆時今茲大冬氣屬嚴凝云何反常或暖如蒸

至日已過無雪無水靜思厥由神錯用事水帝退讓
滕六弭轡三白無一蝗不入地豐年新瑞我民曷粒
亟循恒序用垂玄錫坎行其順離亦得職載翕載結
天葩堆積庶及臘前貺我來麥 右祝 謝氏
惟神厚德持載萬物含生為道發毓為職頃歲荐厄
水旱作孽民失其天陷于溝壑苟無來茲將恐靡孑
今者愆陽至月猶極當嚴而溫當閉而洩澤乾其源
天畜其雪舊云三白一之尚闕嗷嗷赤子又訴無麥
人事之失厥罪惟辟神之惠民不若是忽願作同雲
奔走滕六零零呈瑞用錫嘉穀 右后土氏

朔方涇陰惟神之宅無終不始兆朕庶物剪冰作花
豐凶以卜民天為急是用顛告一陰一陽今年胥戾
積潦于夏大無禾麥民方殿屎欲救無策如何冬半
又愆膏發霰雪不作陰凝不密遺蛭在地莫掃其孽
惕惕冲人體元靡克惟茲天民神不念惻河海生雲
浩蕩頃刻盈尺嘉祥惠我三白 右玄真氏○大
提學李滉製
雩宗祈雨攝享祭文 當字丙午
厥宅維震厥德惟仁元始發生厥施無垠穀我生民
繫神之惠今茲早暵神與有愧秧灌既涸庚歌愈艱
失今不霈民胥于壑主厥生養胡靳膏澤及時救焚

毋曠神職

右句芒氏

維夏行令神實司之火水交濟雨暘維時煦之濡之
長養蕃庶噫茲亢陽胡失其度自春徂夏極無之凶
既穎而萎方秀而隴民苟滅類神將奚依尚垂冥隲
有興邗邗

右祝融氏

至我維坤德盛持載承乾普施發揚萬彙利主爰稼
民賴以生今胡閔澤四野無青節屆食奠期愆挿穡
乍喜獲霑旋憂杲暘夙夜不遑哀我元元虔誠替告
庶沾神恩

右后土氏

盛德在金石成而收苟不生養亦安有秋噫茲一旱

病我三農畿湖暨嶺赤子喁喁萋淪纔始赫炎旋暴
節愆移種望絕登穫孳歛之功將焉所施神其度思

一霈千里

右蓐收氏

用坎為德維北是位制火潤物皆神之事旱胡太甚
月已三匝時有霑灑終新滂洽盪水興薪曷足蘇萎
牲幣之薦雖徧群祇自奮陰功所恃惟神尚監在茲
大霈無垠

右玄冥氏

思文后稷肇茲稼穡萬世永賴功利溥博每年上辛
我祈孔夙雖則異壝一理通格遭時早乾災豈虛生
咎則在我寃實天氓終始粒民維神所司庶垂靈液

無或少遲

右后稷氏○藝文
提學俞彥錫製

雩宗報謝攝享祭文

當宁氏午

維震是宅盛德曰生維稼維穡咸仰厥成曩予憂旱
有事靈壇神之聽之迺霈厥施絲神克仁豈予能假
何以報之陳此洞酌

右句芒氏

於赫明神行夏之時雨暘相須長養是司向非一霈
奈彼三農不以涼德終闕玄功蘇我民天罔非神錫
曷以虔報申薦圭璧

右祝融氏

承乾之德職是資生無禱不遂有物咸亨今茲大霈
寔賴陰庥萎起枯勃庶幾有秋敢曰昭假至哉坤厚

虔誠申謝有踐遵豆

右后土氏

載張載翕利在成物長育擎斂厥施苟違既旱而雨
具曰神詒明禋纒蕙靈應如期秋其有熟神亦無愧
敬陳芬苾庸答冥賜

右蓐收氏

一雨霈然粵在戊子數月之焦勃然其起既霑既足
伊誰之力繫神孔昭寔主水德敵我不腆濟我黎庶
聊陳賽事冀終厥惠

右玄冥氏

皇矣維靈寔司三農豈無群望秩祀攸宗肆予告災
獲茲祁祁苗則勃然民其庶幾曷不終惠以率我稼
式遵典禮恭伸報謝

右后稷氏○藝文
提學俞彥錫製

司寒祭文

當寧癸卯

節按玄冥律中黃鐘聖人平在朔易成冬粵我寧考
 順序調元昔值栗烈天風解溫露禱九陞馨香上格
 叅贊幽軌曰時寒若逮予嗣服祗承先庥今歲垂暮
 不冰而晷哲謀之應曷無云然命謹蓋歲乃祈來年
 敢微神惠牲幣肅將載積涸涸以佐春陽

內閣知製教尹行任

國內山川祈雨祭文

有崇之嶽有濟之瀆作鎮作紀功在利物民之孔棘
 匪神曷叩歲荐饑饉三星在留今又不澍民寧予遺

惟茲早暵越月彌時麩麥損耗禾麻焦傷哀我良農
 顛踣遑遑罪雖寡躬寃實天氓明神所惻不昧予誠
 亟霈甘霖佑我西成

水生天一于坎之方為雲為雨澤物洋洋不愆厥時
 天道乃光神司厥職或飛或藏佑我家邦粒我蒸民
 莫非爾德胡靳茲辰嗟予小子不吊昊旻維此亢陽
 自歲之春爰及南訛亦云太甚一亢之化長養群品
 既播既苗田畯來論如何旱魃弗戢厥威小雨崇朝
 莫見其滋暵脩暵濕田疇圻龜禾易而焦麥秀而萎
 築盛何取我民曷生瘡我赤子具禍是丁予雖可罰

不念天祗控告斯迫幽聽豈邈誦名群靈鼓發陰軸
汪汪大霈徧于寰域蘇我民天溥我明錫非予敢幸
實天之德

右北方黑龍
大遼學李混製

國內山川祈雨祭文

物於天壤海最鉅只瀰漫汨滴靈怪貯只興雲雷雨
澤黎庶只令胡秘機不予助只念此亢旱亦孔虐只
塵揚阡陌金石鑠只種不得苗秧未插只望絕秋穫
民斯溘只我祀惟馨遠于告只亟布靈澤蘇百穀只

右南海

眇予寡昧續守洪基不惠于天珍孽其滋祗慄憂勤

惟日繼夜云胡亢旱復此方夏麥穗既槁又延禾稼
相彼川原亦枯亦赭民罔飲食于何從極口惟溟海
環截東域汪洋浩渺潤物是職胡然屯膏任其虐焰
縱予有罪下民可念仵真牲幣瀝告血誠庶幾願歆
用彰靈明降雨祁祁沃此焦乾惟民之食惟神之安

右東海

南紀有山壯于大東根蟠地軸勢摩昊穹噴洩雲烟
以雨以風粒我蒸民厥德厯洪屬茲南訛旱氣蟲蟲
禾稌其槁矧望茫茫願瞻原野爍如焚烘神胡忍斯
久秘玄功庶歆危際降雨濛濛遍我公私登歲于豐

右智異山○

盧禛製

國內山川祈雨祭文

有崇之岳有濬之瀆作鎮作紀功在利物民之方急
匪神曷因嗟予小子不吊昊昊維此亢陽自歲之春
爰及南訛亦云太甚匪亶百穀將殄群品罪雖寡躬
寃實天祗明神所憫不昧予誠亟霈甘霖賜我西成
缺

節彼崇嶽鎮我漢京能興雲雨丕顯厥靈孰陽靡陰
孰雨靡暘克彰其妙玄造無疆維茲之旱降割何酷
已無麥秋未播百穀哀我黎氓舉將填壑神鑑孔昭

曷不惠澤沛然甘澍庶及斯時我民其蘇神亦有依
右三角山

維天生民維岳配天豈天之心而珍斯民有民則依
亦神攸恤感應道存神人理一由予否德靡馨惟腥
俾民無告不媚于靈年災荐告具禍是丁惠罰匪差
玄鑑孔明庶收疾威亟霈普澤苟愆厥時惠亦無及
右白岳山

弈弈南山藩鄒配運匪神安仰維國之鎮噴雲洩霧
寔司其權含靈蓄佑用庇我人胡茲早暵莫我顧哀
忍使粢盛夷於草萊神之攸依繫在丘民民之具禍

曷以事神苟失斯時將恐靡孑活我今日否我今日

右木覓山○
黃床製

國內山川祈雨祭文

揚流浩浩寔維神宅吐霧興雲承天是澤罹茲虐旱
田畝龜坼連歲無秋咨嗟遍國神胡忍此萬命將迫
顧民何辜咎在不穀冀藉冥佑洗我濯濯

右楊津

德水湯湯維神所居夙著靈異真應不虛旱魃斯酷
災較周餘苗已槁矣神胡忍歟民將填壑咎實在予
冀歆虔禱喚起雷車沛然施澤蘇枯決渠

右德津

冠嶽峩峩厥神最靈寔賴顯佑不爽明聽周旱斯亢

魯野無青予方省讐罔敢荒寧顛禱于神牲酒惟馨

庶釀密雲沛若建瓴當申虔報以謝冥冥

右五冠山

紺嶽崇崇為國之望有禱于神輒賴靈貺罹此旱儉

萬植乾炕民無所食神亦曷享沛然蘇枯惟神是仰

右紺嶽山

風馬先驅雲旗在仗澤我田野俾歲無恙

松嶽巖巖鎮彼古邾克有神佑不替祀粵愍茲遇旱

疇拆苗枯西成失望有急斯呼真以潔牲酌以清醑

神其鑑誠俾我民蘇一霈甘霖遍及八區

右松嶽山

李端
相製

國內山川祈雨祭文 當寺丁酉

悠悠龍江赫赫明神民之有呻靈豈不聞曩予訴災
庶將垂惠既陰既霏胡斬厥需驕炎愈肆穉苗漸枯
今雨尚可否則大無省躬數愆燻我心肺雖則悔怒
尚容遷改載申哀籲恭修裡祀方千之施晷刻以茲
右龍山江

惟島著靈載列祀典有災斯禳厥報胡舛自我虔禱
于今十日十日不雨如火益烈陰雲乍交若或佑之
玄澤終闕是孰名之子省予躬尤悔實多縱莫予顧
將奈民何國既蔑資神亦奚利再祀非瀆一需是冀

右楮子島 ○內閣
知製教鄭志儉製

國內山川祈雨祭文

當寧癸卯

苑然太華為國之望瑞氣長護雲物漾漾鎮我坎維
神化莫狀六月之交赫日乃亢瞻彼南畝隰者其莽
雖予有咎惟神是仰默禱莫應明裡以享始自膚寸
潤茲枯壤 右三角山

烈彼旱暘茫然原野欲占其秋先觀于夏慮在庚呼
憂深丙夜維嶽有靈陰床是藉著應若桴福我民社
迺秉牲幣迺籲純嘏兩車雲旂載迎載迓倘格于上
庶霈然下 右白岳山

騁彼南紀大江揚靈滲漉攸霑國人以寧亦懸肆威

自湖暨垆底矣雲霓忽焉月星一念宵旰賴有冥冥
冥冥孔昭惟民是聽穆將虔愉牲酒肥馨庸祈景貺
膏雨其零 右漢江

南山有麓奠我京國神哉洋洋厥應靡忒云胡不雨
痒我稼穀月屬周十責多殷六咎在丹宸哀彼葦屋
昔也有禱其苗則勃控極是急日不暇卜神監在茲
行葦洞酌 右木見山○內閣
知製教尹行任製

祭漢挈山文

耽羅一區海中絕域茲土雖遠實我南服曩彼漢挈
為其鎮嶽雄浮天表壯壓地絡世誦瀛丘星照壽極

泐氣所鍾扶輿磅礴衆咸宗仰夙著靈德水旱疾疫
每禱必獲澤施斯洽民受厥福稽諸紀典報事自昔
久曠未修予心有感今此島氓阻饑孔酷荐歲大殺
殆將盡戮茲遣別价救拯焚溺仍舉明經肅薦洞酌
冀降陰隲惠我蒸赤風雨調順豐穰連錫子遺窮黎
庶蘇庶息於赫神賜永垂千億感頌至渥虔奉無斁

副司果
任監製

祭漢挈山文 當守辛丑

南維作鎮有山其靈星耀壽疆地控重溟興雲降雨
種馬產鹿功利所暨需我一國烟濤浩淼天限南北

一隅彈丸王化攸邇祐我島氓維神之惠海波不揚
風舶利濟羽裡報功近歲未遑茲憑一介庸薦瓣香
神監微誠垂祐無疆

內閣知製教
鄭東浚製

祭東海神文

當宁 癸卯

碧海漫漫鎮我大東浮濟達河艦舸相通每當漕節
輒勞我思雪天汎舟夫豈樂為民靡遺黎野幾無青
嶺東生靈係茲滄溟嶠海裝發不日到境片帆無恙
天朗風靜神之聽之憐我蒼生牲體孔潔庶監菲誠

內閣知製教
李崑秀製

祭溫陽郡溫泉文

坎六之靈實稟火德蠲滌煩痾其應靡或自予皇祖
累獲神佑刀圭砭石功莫與偶慈候違和粵有歲年
前夏臨浴效即霍然玉度冲裕美疾脫躄將何報謝
以稱斯惠尚慮宿恙根或未去欲防其漸莫貴乎豫
必須再試可期永寧式予奉侍復有茲行佇蒙陰隲
收功十全予昔已疾靈貺亦造更藉餘波尚終有喜
虔告用亶歆格是冀

大提學金
萬基製

溫泉報謝祭文

始予有疾來浴溫泉神實保護沉痾大蠲病根既瘳
猶難盡去歲嗣其功今五年所矧惟慈聖久未安節

間者再臨奏效捷疾中宮宿患在裏莫治乃詢諸醫
謂浴是宜肆今并幸冀終神惠春膏脉動火候方屆
陽浮水面氣溢潛竇泉德益暢神心加祐三宮疾疾
一時有喜效靈收功曾未若此今方旋軫敢忘大賜
命官報享尚鑑予意

大提學李敏叙製

溫泉報謝祭文

坎德含醲出靈泉有溫其性不竭其源人之沐斯
厥痼則痊粵自先朝屢奏奇效惟予一病源委既痼
藥石技殫牀第歲久冀幸神佑不憚遠途決旬臨浴
諸症頓瘳脚痿而利膚癢亦蘇阿堵舊患縱未夫去

驗久乃著靈騰是行及茲回蹕可無虔謝有誠必通
其永錫嘏勿藥之喜庶保康寧爰陳明薦尚歆茲觥

大提學趙觀彬製

濬川祭白岳木覓川渠之神文

惟彼川溝發源北山岡麓壺濯沙土壅堙水失舊途
民受其害予用斯憂將疏將溉栽木禁樵治本是先
式賴明神無俾後艱

右白岳山

維南有山為國之鎮百川攸源是瀉是潤沙土漸闕
溝渠隨塞民將用墊予實大惕興茲畚鍤禁厥斧斤
爰告肇役尚賴明神

右木覓山

文苑叢書卷十九
國有川渠象天井絡疏瀹久廢沙闕流塞欲除民患
將用衆力有神其司載告肇役 右川渠

四門崇祭文

眇予臨民旰食靡暇或旱或澇俱害于稼尤怕秋霖
病我西成八月其闡華實英英忽其沉墊變茂而殘
淋浪徹曉盪汨連山后土泥汚大陸溷翻蕩折靡存
歛獲奚論去歲飢凶了遺孔哀天胡不吊復罹此灾
斯民何罪由我不辟真禱莫應淺誠未格圭璧再將
竭我忱辭神之聽之庶我格思雲陰解駁廓爾開晴
煦我餘未寧我民生民依於國國惟神依惟神無斁

佑茲虔祈

藝文提學
尹鳳朝製

先農壇祈雨親祭文

今茲之旱噫嘻太甚兩朔望雨終闕一點恒暘肆曝
焦爍萬品無草不玄如遭烈焰昨歲飢荒民困顛頽
喁喁萬哺唯在麥稔穗枯實瘁奚刈奚歛抱莖啜泣
若炊失飪稻畦坼裂觸目慘悽數日無雨已判大歉
哀我民斯其將胥陷燃眉災急填壑禍憎拯此水火
寔予之任心焉憂懼不遑丙枕凡係修省莫敢或欠
正殿斯避常膳又減罪已肅言亦惟自貶慮凶决滯
以冀真感一日二日莫回神鑑遑遑恤恤如灼如砭

文苑叢書

卷十九 祭文

二十一

賤彼靈墳帝坐有儼耒耜始勅乃操乃剡澤及萬世
爰虔靡殿有急則訴如禱必驗予將躬顙暴此危懼
道路不淨相臣以稟肅敬之地實懼汚染供設旋輟
禮祀遂寢追思至今曷勝其懺茲致予誠謹詣壇坎
代牲自責祇事來諭明神有赫庶或無憾縱予否德
愆尤難掩下民無辜寧不矜念冀揚神化興彼有滄
一霈甘霖千里普浸 右帝神農氏

予臨兆民三載于茲水旱風霜無歲無之今年亢陽
又胡至斯薄雲乍霏淒風日吹杲杲出日赫赫炎曦
沃野隴田圻裂如龜川澤竭涸禾麥枯萎三農輟功

已判大飢哀哀赤子其靡孑遺氣數之說予不敢知
反躬自責予愆予思政令之間實多吝疵行獄淹滯
豈無橫罹賦役煩重未蠲微追饗饗虐斂烹阿莫施
酷吏濫刑帝憲或隳聰明未察薪屋怨咨振刷不舉
積瘼縈絲凡此數事名災固宜躬丁降譴予不敢辭
下民無辜胡寧殲夷悉數無隱敢訴神祇於昭惟后
實是農師樹藝稼穡民生是資粒我烝黎功施永垂
率育之恩溥博無私胡至今日忍此不慈向者停享
予庸忸怩祗懼不潔誠豈少虧爰致悔謝靡愛牲犧
神明赫臨寧不聽卑訟罪祈哀我心誰欺神如不惠

降澤少遲願我穡事永失其時恭茲冥隲三日為期

一雨霈然蘇我四陸

右后稷氏○藝文提學李肇製

預備

臨事有故未克躬行遣官替酌庶鑑微誠

先農壇祈雨親祭文

於皇炎后赫臨青壇化肇斷操功博畬蓄民始穀腹
萬世賴之我稼我穡惟神惠而屬歲春正東作啓期
土膏方釋錢鏹乃釐耕籍于郊禘禮則宜司農簡器
太常奏儀履茲大田冀耜洪縻撫耦躬推我不為疫
率民敦本以勸以祗吉諏虔告噉予哀辭種桂涵活

雨暘若時黍稷孔嘉樂盛是資有積如墉有庀如坻

迄用康年均我公私

右帝神農氏

思文后稷維穀之神功奏時播化普常陳職茲稼穡
駿惠烝民配古農帝永歆明禋太皞司節農人告春
率力百畝憂殷一人禮徵王籍吉諏元辰予服慈愷
言祖東畛載耕載播必躬必親君推民終厥勞思均
先事虔告齋沐以伸青壇有屹澍氣緼細神降洋洋
嘏我之純遂我黍稷充我廩囷邦以禮綏俗用富淳
自今降康慶休日新

右后稷氏○藝文提學尹惠敬製

先農壇祈雨攝享祭文

厥初生民維聖肇化誕教人食以粒天下配天配帝
永司農稼昔謀東祀擬親耕籍靈壇既除介馭將駕
出孰子尼颺發雨瀉前春床褥又失躬謝迭增予媿
寧免神訝星回歲轉復及春亞土膏其動陽和已爰
思修厥禮庶迨我暇近聞疫患尚染闕舍戒心方切
宿計已差茲遣輔臣往即郊墊爰攝予事牲璧是把
爰謁予辜以冀神赦連年荒旱今世尤怕惟神降監
易灾為嘏播均種稔澤洽濡灑無缺筮盛俾活孤寡

兵曹判書
金錫胄製

先農壇祈雨攝享祭文

當宁丁酉

惟帝聖神肇我稼穡靈承上天冥佑下國東作之方
靈壇有翼裡祀孔明厥功斯博粵予新服祈年亦夙
胡不居歆致茲寇虐春既告暎夏仍闕澤來牟不熟
畎澮亦涸哀我黎氓舉將顛壑彼則奚辜咎在司牧
德未減一責豈止六袞職有闕朝綱未植寒暑曰咨
嗟彼薜屋豈曰無名是予當惕于社于廟既率圭璧
菲誠未格靈應愈邇其雨不雨如焚如灼三農之望
繫維帝德凡我有生莫非爾極胡寧不憇俾也無食
爰遣上卿替奠洞酌錫以甘澍毋徐伊亟右帝神農氏
思文惟后德配炎皇誕降黃茂永綏黎氓服彼農壇

文苑補遺

卷十九

祭文

二十八

三才圖會卷之九
二十八
佑我東邦弭蓄降康流惠無疆
小子曰主宗紡
齋誠昭事曷敢違寧云胡一旱
瘁我三農乍瞻同雲
旋見彗星淒風以從
彌月恒暘已矣來年
奈此苗穡
靜究厥由責在予躬
恬俗莫羊頽網不張
惠漸察隱
治弗建中茂德未修
湯禱是將曷致桑枯
徒效茅嬰
自郊祖宮靡愛圭牲
縱有霖霖終靳帶滂
且莫我願
哀此群生瞻仰杲日
我心如傷誰因誰極
繫神孔明
蠲我觴豆替遣上卿
惠以大雨數千其方
右后稷氏
○知製教

沈豐
之製

東郊厲祭文

當字天千

民之恫若已之恫扎瘡告灾神不和則氣不和怨厲
為崇茲頌十行之沒發庸慰百鬼之煩寃顧今疹疾
之熾行殆甚厲疫之毒害炎炎若火延而原燎由鄙
及都駸駸然家染而戶傳自春徂夏或以謂太歲在
火無怪時候之使然予則曰灾沴由人蓋緣化育之
未盡咨爾厲鬼之幽鬱最傷和氣之氤氳或罹禍於
水火或捐軀於戰場哀哉魂不歸些或訴寃於風雨
或匿影於林藪慘矣鬼其饒而陰魂憑依於城隍秩
春秋無文之祀巫祝禳祓於郊壇凡水旱有禱則應
肆予憐爾無主之魂愍爾不昧之怨恩推掩骼自郊

文苑補遺

卷之九 祭文

二十九

甸爰及八分野無暴骸而瑩築殆以萬計追岐周及
 骨之澤蓋仁政之所先想棘城感神之靈庶祥和之
 是導奈此民生之違疹尚有疹氣之干和赤子沾危
 雖鬼神夫豈不恤青壇賜祭在古昔亦有已行同拯
 溺而救焚寧或少緩此名和而解鬱庶幾其蘇茲消
 吉辰別設厲祭于郊壇爾其挈爾朋儔共此醉飽廓
 掃陰沴若冰雪之消融導迎休祥若春風之嘘發於
 戲惟疾病之相救常理則然縱幽明之有間真應不

或

內閣知製教
朴祐源製

西郊厲祭文

當宁丙午

凱風煽物流一氣於清和郊壇陳羞慰群靈於鬱結
 紛廣抬兮原野導太和于郊坰念聖王既主神人而
 秩祀遍及上下風雷岳瀆在四時而罔愆雷壇墀
 索百鬼而齋饗若稽有國常典哀爾無祀諸神水火
 刀兵死不得乎其正刑傷疾疫氣或化以為燐孤魂
 無依良辰之麥飯誰灑羈櫛不返旅館之棠梨空悲
 肆當疹疾之熾行或慮冥鬱之靡托沒而受于孫之
 辜縱不及夏畦馬醫生曾被朝家之恩何必依叢祠
 鷺羽倣先朝祭棘城之制自有我家之遺文若鄭國
 祀良霄之規亦取古人之餘意尻輪風馬城隍儼臨

文苑叢書卷之九
土在瓦樽食孔潔挈朋儔而醉飽遵彼曠漠之墟
驅雷霆而禁呵掃却陰沍之氣又况埋骨掩骼非曰
周王之行仁陳豆設籩庶見楚敷之無餒印山累累
十萬之淺土載新和氣津津億兆之沉痾頓去於戲
惠澤所暨幽明何間疾病扎瘥寧有乖氣之孽芽壽
考耆艾永觀民生之阜安
內閣知製教
徐龍輔製

南郊厲祭文

當寧丙午

民而無依王政所先推以一理在神亦然稷社昭布
嶽瀆崇深遍舉圭幣左右降歆疇憑疇依無祀之鬼
魂寄走燐羹榮枯卉或死戰陣或死疾疫飢饉蟲獸
水火盜賊橫罹之苦枉逼之冤死非正命難一二言
郊原無際香火靡托鬱而為厲理固不或乘其乖氣
割于下民予庸是愍舊典式遵禮不以文祭必以誠
譬彼四窮於世烝烝耿茲衷曲冀庶流通云何作瘡
熾及域中自春以夏如火之燃得無扎瘥靡安履糞
盖此為疾厥有時行匪是衆神厲我群生氣所推歟
運自往復然念普濟神豈辭責惟其棘矣亦既久只
反求厥由予思曷已神或有饒宅或無所掩骼一念
庶幾安汝有司不謹或者其遺匪曰施仁永言齋咨
嗟爾群靈尚體此意依于隍神既飽且醉近自畿輔

遐暨封城廣播吉祥偕底蘇息非神曷民非民曷神
神其保民恃予一人

內閣知製教
李秉模製

北郊厲祭文

當寧丙午

二氣充間厥惟清明芸職咸遂稟其流行孰睽戾是
而生災沴疾疢斯作為豎為厲莫曰天降上帝孔仁
一理相感依人惟神彼魂兮些南北東西單丁徽族
孤兒寡妻壓畏凍餒戰亡盜劫或逢水火或離鄉邑
或絕遺胤餒無求食嘯梁載車煩冤踣躄荒原暴骨
問是誰氏莫或恤汝烏鳶螻蟻掩骼埋胔予曰文王
高者三尺累累相望蓋欲安之亦惟震驚有鬻干和

其氣何憑迺生疹疾式月斯熾毒痛沴淫亦孔之瘁
哀彼赤子皆我黎民或拯之折神胡忍人靜言厥咎
予實瞿然啾啾爾哭曾莫導宣疫癘微神厥有已例
矧茲天扎寧神不惠爰命有司設壇將事我酒既多
我肴孔旨爾有朋儔庶共來格載欣載笑歸爾幽宅
斯民其蘇繁爾且寧用茲多誥予言汝聽

內閣知製
教鄭大容

濬川祭掩埋之神文

哀彼枯骸皆予民庶轉于溝壑無人收瘞今因濬川
暴露沙泥掩骼之典仁政攸宜布襄席藉箴諸高潔

文苑叢書 卷十九
三十一
俾免蹂踐斯推惻怛仔官命祭為肴為醴慰其饑而
爰得爾所

先牧壇牛疫祈禳祭文

食為民天農惟大本農何由作以牛耕墾載耕載墾
非牛曷用人食其力六畜最重近者災沴因之乃斲
害氣交薰疾疫皆違百不一瘳十常九斃謂爾無牛
何酷其厲蚩壯已矣稼穡將廢秋耕不舉春種奚論
彼物無罪民亦受困咨我赤子何以食為于蕃于孳
維神主之莫非爾力利及永世今茲毒疫非神曷濟
是禳是祓舊典斯做牧壇載新神版復初消吉祈告

牲醴俱陳予哀汝做予誥汝遵呵辟侵孽自內及遠
病者其蘇式蕃式健俾我群生倘獲農功寔是神賜
念感曷窮民苟失產神將無托民如獲業神亦享食
覲斯二者孰利孰害予言不再神其無悔

知製教尹
得載製

三角白岳木覓松岳松蟲祈禳祭文

氣化日乖蟲蠶斯作或穀而螟或桑而蠋惟此松蝗
其毒最烈由蛾育種蝕葉如割近者郊畿日有熾盛
園寢封植社壇長養始于稚林終迓喬木駸駸蠶食
漸就枯剝做古坎瘞有請捕之縱未吞蝗如唐宗為
因子名災敢傷民力莫如虔禱以丐神福牲酒其潔

敢告于神惟嶽業莪寔神封畛凡茲草木譬猶毛髮
胡不殄殲自甘禿圯永言灾沴實由否德掃滌蟲穢
亦惟神責茲薦明禋穀朝于卜克彰厥靈驅除是速
知製教鄭
羽良製

平安道黃海道酺祭文

蝗蝻為灾十年相因稼穡率瘁饑荒荐臻毒遍一方
憂軫重宸茲當歲首爰命近臣潔誠虔祀觴豆式陳
蝕腸之禱唐宗其仁予雖誠薄一是為民永除斯害
庸冀田神知製教
黃梓製

文苑黼黻卷之十九

文苑黼黻卷之二十目錄

樂章

附青詞

宗廟樂章

永寧殿同

列祖樂章

文昭殿樂章

附各殿樂章

列朝上尊彌樂章

社稷樂章

山川樂章

文廟樂章

先農樂章

先蠶樂章

雩祀樂章

燾祭樂章

親耕樂章

觀刈樂章

親蠶樂章

大射禮樂章

燕射禮樂章

進豐呈樂章

朝會燕儀通用樂章

附青詞

昭格署祈雨青詞

摩尼山塹城醮三獻青詞

壽星醮青詞

分野星醮三獻青詞

太一醮三獻青詞

昭格署真武醮青詞

文苑補遺卷之二十

樂章 附青詞

宗廟樂章 永寧殿同

世德啓我後於昭想形聲肅肅薦明經經我資思成

熙文一章四句 迎神

菲儀尚可交承筐將是帛先祖其願歆式禮心莫莫

熙文一章四句 奠幣

執爨踏踏登我俎豆俎豆既登樂且和奏苾苾孝思

維神其右

執爨一章六句 進饌

列聖開熙運炳蔚文治昌願言頌盛美維以矢歌章

熙文一章四句

入引

於皇聖穆浮海涉慶歸附日衆基我永命

舊相位

基命一章四句

皇矣上帝求民之莫乃眷奧區乃遷明德仁不可失

于晉景從其從如市匪我之私匪我之私維仁之歸

維仁之歸誕啓鴻基

翼祖位

歸仁一章十二句

於皇聖翼祗服厥辟聖度繼志眷倚斯篤大亨以嘉

景命維僕

度祖位

亨嘉一章六句

雙城澶漫曰維天府吏之不職民未按堵聖桓輯寧

流離率復寵命是荷封建厥福

桓祖位

輯寧一章八句

於皇聖祖邁駿厥德仁經義服紳化隆洽憬彼島夷

及其山戎孔湫以懷莫不率從航之梯之款我繹繹

於赫厥靈通安遠肅

太祖位

隆化一章十二句

於皇我聖考戡亂保宗拓謳歌興望隆敦讓顯美德

太宗位

顯美一章四句

天子方憐邦人憂惶聖考入奏忠誠以彰媚于天子

赫哉龍光

太宗位

思齊聖母克配乾剛戡定厥亂贊

謀允臧猗歟貞明啓佑無疆

元發王后位

龍光貞明一章十二句

舊本龍光一章六句後以貞明一章六句合為一章

於皇宣祖峻德重光格天昭誣正我宗統抗義除兇
奠我封疆受釐啓後悠久熾昌

重光一章八句

列聖宣重光敷文綏四方制作既明備大猷何煌煌
大猷一章四句

世德作求率維救功光闡太平禮樂方隆左籥右翟
曰既九變式昭先烈盡美盡善

繹成一章八句

引出○右初獻

天眷我列聖繼世昭聖武庶揚無競烈是用歌且舞

昭武一章四句

引

於皇聖穆建牙于朔邁篤其慶肇我王迹

穆祖位

篤慶一章四句

頌之豪據雙城我聖桓于濯征徂獍亡拓我疆

桓祖位

濯征一章六句

咨麗失馭外侮交熾島夷縱噬納寇恣睢紅巾魚鱉

元餘曩孱孽僧跋扈胡魁陸梁於皇聖祖神武誕揚
載宣天威赫赫堂堂

太祖位

宣威一章十二句

愾我敵戎虎豹鼓厥勇若翰飛動九天正又奇蟾斧
亢旋自糜竹斯破孰我支耆定武神之為

太祖位

神定一章十二句

我雄我奮如雷如霆胡堅莫摧胡險莫平連連安安
峩我訊馘神戈一揮妖氛條廓無侮無拂祚我東國

太祖位

奮雄一章十句

麗主拒諫敢行稱亂我運神斷我師我返天人協贊

太祖位

順應一章五句

義旗載回順乃多助天休震動士女悅豫後我寵綏

壺漿用迎既滌穢惡東海永清

太祖位

寵綏一章八句

彼孤臣煽禍機我皇考克炳幾神謀定世以靖

太宗位

靖世一章六句

島夷匪茹虔劉我圉爰赫我怒爰整我旅萬艘駕風
飛渡溟渤乃覆其巢乃擣其穴譬彼鴻毛燎于方烈

鯨波乃息永奠鯨域

世宗位

赫整一章十二句

於皇列聖世有武功盛德大業曷可形容我武有奔
進止維程委委佗佗永觀厥成

永觀一章八句

引出○右亞
終獻同用

印盛于豆于豆于籩其饒其香來倣倣然我禮既成
告徹維虔

印盛一章六句

徹籩
豆

裡紀率度神康樂而洋洋未幾回我條而霓旌鬣
雲馭邈而

裡紀一章六句

送
神

列祖樂章

緝熙敬止其德克明克昌厥後永觀厥成以享以祀
既戎既平神之吊矣來燕來寧

翼祖位

緝熙一章八句

嗟嗟烈祖宜君宜王則篤其慶終然允臧神廟赫赫
鼓鐘喤喤神之聽之申錫無疆

度祖位

嗟嗟一章八句

嗚呼顯祖德音不忘以燕翼子載錫之光籩豆有踐
有饒其香庶幾享之降福穰穰

桓祖位

嗚呼一章八句

嗟嗟皇考佑命自天文謨武烈繼後光前於赫在廟
肇紀惟虔是皇是享于千萬年 太祖 附廟

嗟嗟一章八句

噫嘻大王承我烈光則篤孝友保茲東方遵豆楚楚
磬筦將將庶其右之降福無疆 定宗 附廟

噫嘻一章八句

嗚呼皇考德配于天深仁盛烈超邁古先闕宮肅穆
肇執豆籩于千萬世景祚延綿 太宗 附廟

仁明一章八句

明明世宗天德之純道洽政治制作維新有佺新宮
遵豆斯陳於昭陟降無射於人 世宗 附廟

欽明一章八句

文昭殿樂章 附各殿 樂章

桓桓聖祖受命溥將功光古昔符應休祥天人協順
奄有東方貽謀裕後惠我無疆 太祖 世

桓桓一章八句

亶亶太宗天實篤生扶翊聖祖景業以成既揚武烈
丕闡文明神功聖德永啓隆平 太宗 世

亶亶一章八句

穆穆世宗基命宥密禮備樂化克光繼述盛德在躬
深仁育物於萬斯年永昭休烈

世宗位

穆穆一章八句

於赫世祖天縱聖哲定難保大無競惟烈光闡隆平
垂裕無疆嗚呼晷蕩永世不忘

世祖位

於赫一章八句

皇矣睿宗濬哲文明功參化育澤洽群生善繼善述
垂裕無疆嗚呼丕顯之德之光

睿宗位

皇矣一章八句

右初獻

維皇天監四國眷東民啓佑有德俾主神人熙熙民

物仰深仁麗運將終民罹禍殃東征西討寧四方夢
協符祥功蓋一時倏哉天命終難辭創業宏模負越
古先昭我來許永相傳肇修禋祀迄用有成於千萬
年致昇平

太祖位

維皇一章二十二句

維天心眷有德啓昌期篤生聖哲作之君師既受帝
祉隆丕基推戴聖祖開國興王安民濟世功益光尊
崇嫡嗣重靖禍機人心天意終有歸澤洽生靈威振
夷戎爰興禮樂垂無窮於昭在上申錫無疆綿綿宗
祀與天長

太宗位

維天一章二十二句

於皇天眷東方有哲王烝我我后穆穆皇皇續承丕
緒邦乃昌宣昭重光啓佑後人因心則友篤親親祀
事孔明孝思維則施于子孫彌千億事大交隣以信
以誠制禮作樂致太平陟降左右申錫無疆於戲前
王不可忘

世宗位

於皇一章二十二句

維上帝眷大德撫東民於皇我后受命維新武定文
治開昌辰化隆大猷物阜民康昭揭典則貽謀長事
大克誠便蕃寵章恩覃威遠爭揚航禮樂明備至治

馨香三靈薦祉駢嘉祥於昭于天錫衍無疆繄千萬

禋享烝嘗

世祖位

維上一章二十二句

維我后膺景命撫東方穆穆皇皇宜君宜王丕承令
緒宣重光聖維天縱學自日新巍巍盛德無與倫勵
精圖治持盈守成文謨武烈底隆平登賢用能明賞
信罰紹述啓佑咸罔缺於穆清廟紀事孔明億萬斯
年駿有聲

睿宗位

維我一章二十二句

右亞獻

繫東方阻海陸彼狡童竊天機偉東王德盛肆狂謀

興戎師禍之極靖者誰偉東王德盛天相德回義旗
罪其黜逆其夷偉東王德盛皇乃豫覃天施軍以國
俾我知偉東王德盛於民社有攸歸千萬世傳無期
偉東王德盛

靖東方一章二十五句

終

附各殿樂章

思齊王后坤元厚德丕闡內教化刑于國螽斯麟趾
長發其祥於萬斯年不顯其光

昭憲王后
輝德殿

思齊一章八句

於皇王后靜一端誠媿德毓慶邦國以貞有恤新宮

紀事昭明歆于吉蠲福祿來成

顯德王后
景禧殿

於皇一章八句

於穆我王配天其德垂裕後人其慶則篤永言孝思
享祀不忒萬有千歲永錫遐福

於穆一章八句

初

維皇天眷東方生聖神積德累仁啓佑後人式至今
休命維新有嚴廟貌載恤載清予以安之神所寧陟
降在茲左右洋洋賚我思成有烈光邁亘有踐黍稷
維香來享來格顧烝嘗降福孔皆時萬時億子子孫
孫保無極

維皇一章二十二句

亞獻

惟我后天篤生丕顯德繁難名元良貞四方義問昭
彰聖且神考維則昌厥後以燕翼瓜瓞慶絲絲於千
萬年赫新廟於奠輪承大禧蕙精裡著存儂有聞歆
我芬芬洽百禮設鼓鐘駿奔走肅以雖萬世觀厥成
嗶嗶厥聲於赫靈如在茲既右享無數斯錫嘏豈不
那俾熾俾遐

德宗苑
恩殿

維我一章三十句

終獻

猗歟賢后德本性成配天作合與日為明柔順中積
英徽外宣化行邦國於千萬年

猗歟一章八句

初獻

維上帝降聖人賧初載稟慶卿門儼極作配淵德婉
容視天妹順為承乾羽維翹日坤道克成靡有失儉
以贊禹勤以承堯夙夜儆戒德音昭滄山翼夏太任
媚姜於顯厥美遠齊芳椒宮垂範彤史揚名億萬斯
年永飛聲

維上一章二十二句

亞獻

猗猗聖應資生來媯納嬪周京懿範冠層闈綸翟有
輝體坤元贊乾極率禮行儀不忒肅雝成內治王化
攸始維顯德婉柔祗播厥美于昂藝鴻徽輝無疆與

天同長維闕宮宅徽靈紀事修黍稷馨鐘鼓奏愔愔
彤蠻來歆神之格可不思悅洋洋如在茲穰穰降百
祥俾我熾昌

恭惠王后昭發殿

泐聖一章三十句

終獻

維我后邁古先慎乃位三十年章則明懿為美聖與
仁德之至丕我烈徽其光無能名不可忘

懿仁王后孝敬殿

維我一章十二句

於昭在上陟降堂只奏假無言承筐將只

於昭一章四句

維天生聖聖女作配柔嘉在中令聞在外警戒不怠

其德孔彰於萬斯年惠我無疆

維天一章八句

初獻

承天其順配日其昃贊于內治坤道乃亨思齊思媚
惟孝之則正位居體黃中之德敬以緝身仁以宣猷
敬仁著矣陰化優優嗚呼不顯俾我不忘昭假不遲
願予烝嘗

承天一章十六句

亞獻

天命眷爾自初載顯顯德音流永世上下左右神洋
洋載烈象容昭耿光籩豆孔嘉禮罔愆降福穰穰
億年

仁敬王后永昭殿

樂章

天命一章十二句

終獻

在上在左右陟降神洋洋籩豆既靜嘉承筐敬是將

陟降一章四句

莫幣

思齊聖后維德之行以順承天坤道乃亨化被邦國
令聞不已於萬斯年歆我禋祀

坤亨一章八句

初獻

猗泐聖毓名門嬪京室柔嘉在中陰教旁達至哉坤
德黃裳吉翼夏擬塗媚姜媿任永言孝思惟小心葛
覃昭儉樛木逮下敬戒夙夜基王化含章可貞自天
申休於顯厥猷邦以孚載烈彤史垂範椒闈彌千萬

紀永流徽

柔嘉一章二十二句

亞獻

維我后天篤生儷乾元配日昃終始慎玉度卓冠今
古惟謙恭履尊榮惟塞淵居艱貞長秋位再臨益彰
徽音仁育物顯宜人揚厥美垂無垠億代昭耿光嗚
呼不忘他闕宮神所寧鐘鼓鏘黍稷馨式禮心翼翼
享祀靡忒神格思恍在茲既右享無斃斯穰穰降百
祥俾熾俾昌

仁顯王后
殿寧殿

塞淵一章三十句

終獻

黃流瑟彼瓊素帛盛于筐於以和神人闡睢亂洋洋

黃流一章四句 奠

仁和聖女夙贊青闈仙齡云雷寥廓餘徽煌煌翬翟
並輝新旭樂奏中庭神饗百福

仁和一章八句 初

端明其德澍慎其儀孝孚兩宮篤受恩慈十年焦憂
至誠誦彰莊齊夙夜允矣含章內治未率元服追加
歆斯黍稷惠我邦家於戲可忘象容是儼載煒彤管
永垂坤範

端明一章十六句 亞

維松降靈昭厥祥英康二陵襲遺芳金鐫玉刻光簡

冊幽贊陰教洽邦域侑以絲竹享于禮俾熾俾昌奠
千世 端 懿 王 后 永 徽 殿

維松一章十二句 終

列朝上尊踊樂章

於皇上王盛德隆功贊我聖祖以有大東再遏亂畧
治教昭宣龍受帝命宗社萬年 太宗上 尊號

於皇一章八句

於皇太上德音孔昭克嗣令緒保惠實多功成治定
禮備樂和燕翼貽謨躋世昇平爰稱徽典載崇尊榮
百祿是荷壽考維康於萬斯年垂裕無疆 太宗上 太 尊號

於皇一章十四句

思齊大妃維德之行有相之道遙觀厥成即篤其慶
克昌厥後福履綏之以介眉壽元敬王后
上尊號

思齊一章八句

天眷我王乃立厥妃君子好逑神人俱依柔嘉維則
淵慎其身介以繁祉子孫振振昭憲王后
封恭妃

天眷一章八句

天生淵贊克配我王德同坤厚內治已彰誕育聖子
慶衍宗祚曰壽曰康益延熾昌昭憲王后
封王妃

天生一章八句

應天人握符籙紹百聖皇建極武功赫文治修禋大
室祀圜立於盛美難形容崇徽彌播無窮世祖上
尊號

應天一章十二句

維上帝眷有德倪天妹生我國體坤育母東民閔睢
化麟趾仁奮敏歆上顯冊歌以頌垂罔極貞熹王后
上尊號

維上一章十二句

思齊太后德配任妣贊我烈祖保佑後嗣母臨三朝
功高千古於萬斯年受天之祐貞熹王后
加上尊號

思齊一章八句

於顯我王聰明聖智發祥東觀啓佑後嗣既崇徽誦

情文克備萬有千歲享我宗祀

於顯一章八句

初獻

維上帝眷聖祖撫東方震索儲祥篤生元良淵冲玉
裕學就將尊居貳極孝隆三朝撫軍監國主宗祧積
德深仁垂裕後人式至今休景命新

維上一章十四句

立獻

維皇天祐東方眷聖祖索震祥偉吾王德盛偉元良
位少陽繼禹明德日將偉吾王德盛任監撫密贊揚
謹三朝令聞彰偉吾王德盛毓餘慶啓後王追徽號
寶冊揚偉吾王德盛篤純嘏錫無疆於萬世永流光

偉吾王德盛

德宗追
上尊號

維皇一章二十五句

終獻

思文我后是天生德既受帝祉景命有赫永言孝思
享祀不或於萬斯年永錫遐福

思文一章八句

初獻

於皇天眷大東生聖神積德累仁啓佑後人式至今
休自天申恭敬溫文宜君宜王帝命不時有烈光禮
儀既備聿崇鴻名蕙我精禋祀事明邇亘以踐黍稷
惟馨以饗以享願予將降福孔皆時萬時億子子孫
孫保無極

文苑補後

卷二十一

樂章

十五

於皇一章二十句

亞獻

惟我聖天篤生巍巍德妙難名元良主祧鬯令聞令
望孝維則貽燕翼開厥後咸同缺寶曆永綿綿於萬
千年差穀朝上徽稱百禮洽大饗承祗薦德馨香綏
我思成載清酌設鼓鐘駿奔走瀟以雍駿假時靡爭
穆穆厥聲於赫靈如在茲既右享無斃斯純嘏錫無

疆俾熾俾昌

德宗追
上尊號

維我一章三十句

終獻

於顯聖母澍慎厥德秉心淵懿柔嘉維則化基二南
教刑一國天命用申茂膺多福

昭惠王后
上尊號

於顯一章八句

思齊聖母天寶篤生配我先王維德之行帝眷昭垂
龍袞斯煌永膺徽彌壽考無疆

昭惠王后上
王大妃尊號

思齊一章八句

於皇聖母天生澍德勤儉柔嘉端一維則正位長樂
式隆母儀於千萬年福履綏之

安順王后
上尊號

於皇一章八句

猗歟大東受命溥將倪天維德克配乾剛化隆宜國
丕顯其光百祿是道申錫無疆

恭王后
封王妃

猗歟一章八句

思齊聖后天作之合正位于內立我坤極姜嫄佐營
二妃興媯於萬斯年福履綏之

貞顯王后

思齊一章八句

明明聖母無競惟烈沉幾廣運克剪芽孽神器有定
福祚延綿聖子承休於千萬年

文定王后
加上尊號

明明一章八句

於皇義於昭誠荷威靈濯斯征陰凶醜真民生海內
外欽風聲頌盛美被簫笙休無疆於聖明

宣祖
加上尊號

於皇一章十二句

倪天妹克配聖承乾剏體坤靜迪化源符景命陰功

彰母儀盛薦徽冊情文稱於萬年休無競

仁穆王后
上尊號

倪天一章十二句

赫赫我祖兮再造邦家太妃配德兮宮壺雍和日月
之輝兮或遭陰昏惟明且烈兮乃復于元其明維何
兮四方清止其烈維何兮兆民寧止於煌寶冊兮萬
世之光

仁穆王后
加上尊號

清寧一章十四句

惟我后倪天妹順承乾聖作配贊內治恩下逮符景
命啓盛代薦徽冊人頌戴休無疆於萬載

仁烈王后
封王如

惟我一章十二句

文苑補遺 卷二十一
待歟聖母德合厚載彌月同辰視天作配御邦之化
寔自壺內位尊長樂惟親立愛柔則之美協于頌戴
式薦顯踊垂諸萬代

莊烈王后
上尊號

待歟一章十二句

皇矣仁祖用建極待歟太母克配德翼安聖子暨神
孫含飴長樂禮養尊維恭且慎叶柔箴式進顯冊闡
徽音

莊烈王后
加上尊號

皇矣一章十二句

有煌軒曜有寧坤厚聖祖之配大邦之母翼我文孫
景禧斯臻履尊維冲成紀以仁言象惠行衍踊顯冊

秩秩嘉頌萬年長樂

莊烈王后
加上尊號

有煌一章十二句

於皇太母配古塗莘翼我三朝惠此兆民天鑑厥德
俾壽而康如山不騫應地無疆曾孫燕喜管籥笙鏞
稱彼玉卮百福來同煌煌顯冊永垂鴻踊太母之仁
曾孫之孝

莊烈王后
加上尊號

壽康一章十二句

玄樞凝耀黃紐儷輝慶絲鳳紀禮續翟禕時雍六寢
允穆中闡坤元協化月望齊輝千秋錫永百福來巍
玉頌載烈金籥敷徽

仁宣王后
封王妃

敷徽一章十二句

思齊聖慈體坤元只配聖誕聖母儀尊只任妣之德
徽音孔揚東朝崇奉秩秩其章顯誦象行嘉頌騰祝
其祝維何萬年長樂

仁宣王后
上尊號

思齊一章十二句

倪天維德母我東方儲祥蘭殿贊化椒房黃裳叶吉
彤管增光若周有妣嗣任媚姜徽音允穆福履攸將
螽斯麟趾百世彌昌

明聖王后
封王妃

倪天一章十二句

思齊聖母德侔任妣承乾贊化彌月垂祉陰功穆宣

惠間芴流養備一國禮存長秋播烈嘉謠象行寶冊

薦此顯號庸詒遐曆

明聖王后
上尊號

思齊一章十二句

維天生聖維德邁古復我坤位彝倫攸叙崇我宗祀
曠典是舉雖肅宮廟四方作孚亦有義問昭揭尊周
樹立天經駿惠寧王允矣我后休有烈光啓佑後人
萬世之昌

肅宗上
尊號

維天一章十二句

天命淵德合王初載履邦之否終回于泰補天以石
玄機是幹用舍而光順成其烈雖迹之歛流澤則長

於昭萬年佑我宗祫

仁發王后
追上尊號

順成一章十二句

有齊維后婉婉夔夔以媚聖慈以亨艱危如月之晦
復圓其光終始夙夜承我烝嘗維其底茲曰德有本
猗孝與敬永範宮綢

仁顯王后
追上尊號

永範一章十二句

思齊聖女克配我王至哉承天含物比光壺政以修
有穆其風贊治家邦莫非陰功維惠維順維德之厚
以永柔則天祿是受

仁元王后
上尊號

思齊一章十二句

於昭聖慈闡坤則贊我寧考配乾德保佑後嗣毋一
國誕宣陰教綏百福杜絕私逞宮闈肅潔齊烝嘗神
明倣適祈景命受顯冊萬有千歲永無數

仁元王后
加上尊號

於昭一章十六句

思皇太母允配睿聖終順且惠履坤以正媿周臣亂
匹宋女舜先君是聽永錫祚胤以翼以安綏我宗祫
不顯其烈維德之行何以敷之金玉有鐫於休景命

長樂萬年

仁元王后
加上尊號

思皇一章十六句

於皇聖母儼尊配極化洽宮闈功存社稷三十九年

文苑補後

卷二十一

樂章

二十一

丕冒坤則春秋嚮晚芳徽彌灼揚于隆名昭我令德
匹休宣仁光被匝域第祿洋洋如日不昃伶臣絃詩
追配周樂仁元王后
加上尊號

於皇一章十六句

於顯維德大邦之母翼我嗣王基命孔厚王迪天祿
適昭休名王曰斯休慈功攸成有煌典冊禮儀彌尊
如山如同積高不騫磬鏞和奏百祥是名洋洋德音
亶亶王孝仁元王后
加上尊號

於顯一章十六句

維皇聖母德配寧王化自宮闈與有烈光翼我丕子

式至今休壽考以寧誕甲載周受天之祐申錫無疆
曰嗣先徽顯冊煌煌王孝不匱燕喜之酌伶臣獻頌
萬年長樂仁元王后
加上尊號

維皇一章十二句

猗我太母天配聖考德遵坤則治贊泰道翼我丕嗣
綏我宗祏尊臨五紀遐享百祿慶符先后事曠前史
寶冊揚徽彤闈溢喜亶亶王孝秩秩法筵奉以壽觴
長樂萬年仁元王后
加上尊號

猗我一章十六句

猗赫太母令德令名配于在天寧考攸刑保佑申之

何福不將難老其壽不審其昌列祖致釐我王龍受
揚為冊頌祝我黃耆北辰有斗南山有石慈筮無疆
聖孝無數

仁元王后
加上尊號

猗赫一章十六句

猗皇維聖太母之德柔則塞淵克配以翼烈于寧考
綏我丕子天保孔固俾爾多祉歲復在癸琬琰斯煌
亶亶舜孝不顯先王揚徽長樂併昭於萬月恒載頌
景命彌遠

仁元王后
加上尊號

猗皇一章十六句

於皇文母功化丕冒倪天含章以承寧考昭我翼之

綏我聖嗣邦祧永鞏第祿滋至七旬長樂靈筮悠久
女舜之祥是以龍受煌煌琬刻王孝無數景休萬齡

適揚雅樂

仁元王后
加上尊號

於皇一章十六句

顯猗聖妃順配乾贊我懿陵陰教宣秉心惟敬德之
純既孝既儉化自身爰贊八域仰徽則禮尊東朝寶
冊煌煌萬年獻祝壽無疆

宣懿王后
加上尊號

顯猗一章十四句

維聖應期天作君師孝悌極道堯舜性之樹我民則
顯德之凝既文且武如日昭升睿猶桓撥妖孽帖清

文苑補遺 卷二十一
二
躑躅厥造濯濯厥靈烈光攸冒丕承皇考咏歌不
萬世鴻躅

英宗上
尊號

維聖一章十六句

維天降聖君師我國仁孝之性義理之學一統春秋
厥有所受靈壇在苑帝德孔厚王乃述先追躋兩皇
儼如九廟陟降洋洋于前有光大義愈明伶官獻頌

萬世鴻名

英宗加
上尊號

維天一章十六句

皇矣我后與天合德為君為師四方之則允厥有位
罔敢偏側頌格昏庸咸會于極大化陶甄陰沴肅清

象功模烈蕩乎難名惟聖惟神播在頌聲於萬斯年

永告治成

英宗加
上尊號

皇矣一章十六句

聖仁立極道配虞夏天佑孝悌用錫純嘏靈春躋八
勛治問野睢膠化新歲符月望如日亭午太和昉蠶
追述志事祖廟世享盛德彌謙至休莫形爰揚寶冊
文孫在庭

英宗加
上尊號

聖仁一章十六句

天篤降聖其氣中和五紀端拱衢謠工歌光我四表
調我七政乃勛乃華安乎厥性功流品物澤真厚博

文苑補遺

卷二十一

樂章

二十一

三才補遺 卷二十一
二
疇敢摹畫天日煇赫文孫之誠聖惟無憂載揚鴻號
於萬斯休英宗加
上尊號

中和一章十六句

五紀神化蕩蕩難名堯勛舜華日月昭明受天之佑
九疇五福詒厥孫謨繇我邦錄百世觀德陟降洋洋
迺錫祚胤俾熾而昌舊甲新休曷弗揚先垂之琬琰
於千萬年英宗追
上尊號

神化一章十六句

東有樛木零露漑之坤利直方萬昌載之在渭之初
令聞孔厚疊疊我王天監孝友黃裳元吉宜我室家

思媚太母爰及江沱百祿是道銅龍有聖猗與邦與

曰惟順敬

貞聖王后
上尊號

猗與一章十六句

何彼縈矣樛木之葛曷不雖穆黃裳之吉維莊維慎
維德之基俾壽俾臧百祿是宜于周京室在漢明德
協氣潛孚而家而國我王修齊休有列光於萬斯年
配乾無疆貞聖王后
加上尊號

黃裳一章十六句

至哉哲德婉其含章亦既佑文亦既媚姜皇錫介福
是隆是崇煌煌寶婺南極來同陰沴苟豁功配于乾

令聞令德宜其不然俾壽而臧以康以宣永言嘉徽
於萬斯年貞聖王后
加上尊號

含章一章十六句

維聖配聖玄化於穆媿文太姒在漢明德永言垂裕
第祿穰穰運開亭午祥發重光疊疊王孝載揚先庥
惟昭惟獻式彰啓休琬琰有煌磬莞斯奏登歌萬年
受天之祐貞聖王后
追上尊號

玄化一章十六句

黃裳有赫綏我王國安貞惟吉荷天第祿于蠶于績
思續皇妣紘紘其絲既多勤止家室之壺威儀實欽

祈祈夙夜以永德音不章而美化物含弘豈曰無成
是乃有終王大妃殿
上尊號

安貞一章十六句

倪天之妹沙麓膺祥温温玉瓊穆穆黃裳既安且貞
配我明王禮飭紘紘孝殫蒸嘗德音孔昭鐘鼓鏘鏘
有煌顯冊兩曜增光金聲玉振斐然成章於千萬年
寶籙無疆王大妃殿
加上尊號

安貞一章十六句

思齊太母至我坤則惟敬惟慎惟德配極翼我嗣王
綏我宗祏丕冒基命亦孔之厚於穆陰功永受天佑

有煌琬琰載闡烈光笙鏞以奏第祿穰穰聖孝不匱
萬壽其觴王大妃殿
加牛尊號

思齊一章十六句

於皇太母玄化莫京秉德柔嘉配聖欽明巍乎長樂
以翼以安致千乘養奉三朝歡保佑無疆邦命維新
禮成不祧慶屬重輪疊疊王孝顯冊揄揚播之聲詩

永祝熾昌

王大妃殿
加上尊號

於皇一章十六句

至哉坤厚太母則之嗣仁元徽奠宗紡基翼我聖王
燕及文孫七章其服貳極之門玉曰是慶受慈之祐

矧茲堯甲禮隆烈祖齊舉顯稱琬琰斯煌萬齡長樂

保佑無疆

王大妃殿
加上尊號

保佑一章十六句

思齊太母德媿任姜贊我寧考翼我聖王穆兮懂兮
壹是宗國炳幾折萌有宣斯赫廓彼氛沴奠于磐泰
徽烈無疆受名孔大疊疊王孝揚顯采隆萬有千歲

永庇我東

王大妃殿
加上尊號

思齊一章十六句

於休申錫祉肅穆仰高光龍旂親裸將洋洋在帝傍
於休一章四句

迎神

文苑補後

卷二十一

樂章

二十一

一

齊明潔我誠于以虔承筐筥那綏思成願予紀事康

齊明一章四句

奠幣

我牲既備于登于豆有燔有炙蕭管和奏是享是宜
子孫其佑

赫佑一章六句

進饌

帝眷我東邦延頸有餘頌是用歌潛光由王陞大統
帝眷一章四句

引入

震索應天禹明配日龍潛之德玉裕之質受命代理
令聞洋溢衍慶于後赫赫垂膺

震索一章八句

初獻

祝告維吉享儀不愆維神其佑荷龍于天烈光式昭
載播筦絃子孫保之於千萬年

維吉一章八句

引出

篤慶延休吉沛沛神無疆祖位禮義肅頌美矣歌長
篤慶一章四句

引入○亞終獻同用

休運啓幽德揚攝萬機膺重光仰前耀俾後昌紛倫
舞薦大房

休運一章八句

亞終獻同用

於乎不顯徽柔養德正位少陽扶尊太極來格洋洋
載降載陟衍衍自天永錫遐福

徽柔一章八句

引出○亞
終獻同用

有芬有苾式禮孔嘉神維來歆德音不遐廢徽不遲
登歌永嗟

有芬一章六句

徽邊
豆

我禮率度樂三成而神既康樂顧予誠而鶴馭香邈
送霓旌而右景慕宮

我禮一章六句

送
神

高明普照丕冒震方令聞令望休有烈光克開厥後
崇報顯揚宮園肅肅鐘鼓喤喤根深源遠長發其祥
月輪星輝俾熾而昌溯本闡徽寶冊斯煌假我王孝

啓佑無疆

莊獻世子
追上尊神

高明一章十六句

猗顯睿德潛光駿聲蒼震主鬯黃離繼明毓祉儲祥
俾昌俾亨鞏我宗邦元良以貞曷報景貺載薦鴻名
冊寶有煌笙鏞有鏗疊疊王孝奏饒思成永垂眷佑
於萬泰平莊獻世子
追上尊神

猗顯一章十六句

猗顯淵德天發其祥齊莊肅禮塞淵含章嬪我京室
媚我寧王篤生聖人綏我東方啓佑孔大亨報無疆
真彼慈慶長樂之旁冊寶有煌笙鏞有鏗疊疊王孝

文苑蕭蕭

卷二十一

樂章

二十一

萬壽樂康

惠慶宮
上尊踰

猗顯一章十六句

藹彼春暉慈慶之右袞衣以覲聖人之母既惠且泚
啓我邦祿文孫在抱克岐克嶷海潤于東濼濼其祥
王維歸美厥號孔彰以渭之竹暨藍之玉顯刻有煌
於壽千億

惠慶宮加
上尊踰

春暉一章十六句

慈宮有穆坤育其功安貞之吉翼我聖躬曷不昌熾
錫茲介福嶷嶷文孫正位貳極其祥長發其德彌光
聖孝亶亶以闡以敷寶冊虔將磬鏞和奏工師獻頌

昭哉啓佑

惠慶宮加
上尊踰

啓佑一章十六句

社稷樂章

坤厚載物其大無外立我烝民萬世永賴有儼其壇
有椒其馨惟恭奉幣我祀孔明

坤厚一章八句

萬幣

至哉坤元克配彼天含弘光大萬物載焉克禋克祀
式禮莫愆降福簡簡於萬斯年

國社

至哉一章八句

初獻

誕降嘉種務茲稼穡百穀用成群黎徧德我祀如何

文苑補遺

卷二十一

樂章

二十一

其儀不或有相之道介以景福 國稷

誕降一章八句 初獻

謂地蓋厚品物咸亨稼穡惟寶永觀厥成徹我籩豆
紀事孔明綏以多福壽考攸寧

謂地一章八句 徹豆

山川樂章

城南有壇紀事孔明俎豆既陳黍稷其馨樂具入奏
磬管鏘鏘惟恭奉幣神其降康

城南一章八句 奠幣

天施地承品物以生風雲雷雨品物流形無失其時

澤我烝民以享以祀福祿來臻 風雲雷雨

天施一章八句 初獻

有山斯峻維邦之鎮有水斯瀾維邦之紀產祥降瑞
介以繁祉洋洋來格歆我明祀 山川

有山一章八句 初獻

惟此城隍襟抱于國薦之時祀既齊既稷神其降康
俾我壽域宗社縣縣彌億萬年 城隍

惟此一章八句 初獻

禮儀既備罄無不宜有踐籩豆載徹不遲孔惠且時
神具醉飽如期如式綏我純嘏

禮儀一章八句

徹豆

文廟樂章

大哉先聖道德尊崇維持王化斯民是宗典祀有常
精純並隆神其來格於昭聖容

大哉一章八句

神迎

自生民來誰底其盛惟王神明度越前聖樂幣俱成
禮容斯稱黍稷非馨惟神之聽

自生一章八句

幣奠

大哉聖王實天生德作樂以崇時祀無斁清酌惟馨
嘉牲孔碩薦羞神明庶幾昭格

正世

大哉一章八句

初獻

庶幾屢空淵源深矣亞聖宣猷百世宜祀吉蠲斯辰
昭陳樽簋旨酒欣欣神其來止

充國公

庶幾一章八句

初獻

心傳忠恕一以貫之爰述大學萬世訓藝惠我光明
尊聞行知繼聖迪後是享是宜

柳國公

心傳一章八句

初獻

公傳自曾孟傳自公有如緒承允得其宗提綱開蘊
乃作中庸侑于元聖億載是崇

沂國公

公傳一章八句

初獻

道之由興於皇宣聖唯公之傳人知趨正與享在堂
情文實稱萬年承休倣我天命 鄒國公

道之一章八句

初獻

百王宗祀生民物軌瞻之洋洋神其寧止酌彼金罍
惟清且旨登獻惟三於喜成禮

百王一章八句

亞獻

犧象在前籩豆在列以享以薦既芬既潔禮成樂備
人和神悅祭則受福率遵無越

犧象一章八句

徹豆

有儼學宮四方來宗恪恭祀事威儀雍容敬茲惟馨

神馭還復明禋斯畢咸膺百福

有嚴一章八句

送神

先農樂章

揉木為耒播穀烝民永綏惠我載虔禮神玉帛交錯
禮儀肇伸有孚顯若豐祥荐臻

揉木一章八句

奠幣

肇分草實於穆聖智百穀用成絜誰之賜酌彼康爵
酒多且旨神具醉止介以繁祉 正位

肇分一章八句

初獻

播時百穀功配于天其從與享昭格烝然洗爵奠學

式禮莫愆神嗜飲食迄用康年 配位

播時一章八句 初獻

清酏惟馨嘉牲孔碩禮成樂備人和神悅既右享之
遵豆維徹永觀厥成率履無越

清酏一章八句 徹豆

先蠶樂章

儼乎其臨維神之位奉幣惟寅禮儀既備孔惠孔時
或將或肆神其降康歆我祀事

儼乎一章八句 奠幣

公桑蠶室振古如茲民受其賜維德之施報功以祀

式禮攸宜洞酌行潦以祈格思

公桑一章八句 初獻

遵豆有踐祀事孔明禮成三獻樂奏九成神既燕喜
終和且平載徹不遲百福來寧

遵豆一章八句 徹豆

雩祀樂章

赫哉明神克配彼天佑我烝民於萬斯年聿修祀事
承筐是將庶幾佑之惠我無疆

赫哉一章八句 奠幣

皇矣至德司春布仁三農攸始萬寶更新既齊既稷

行潦斯陳諒我明信立我烝民 句芒

皇矣一章八句 初獻

正位于南司火之精載行夏令品物光亨大哉神功
萬世仰成時用享祀庶幾來寧 初獻

正位一章八句 初獻

於昭厚德承天化光實成庶物惠我無疆以享以祀
磬管鏘鏘庶其格思降福穰穰 后土

於昭一章八句 初獻

利物之德實主西成築梁坻京惟賴神明聿修禋祀
黍稷惟馨洋洋在上以赫厥靈 蓐收

利物一章八句 初獻

氣應於冬位居乎北終始品物聿貞厥德籩豆既踐
鏞鼓有繹來燕來寧登我百穀 玄冥

氣應一章八句 初獻

播時百穀立我烝民功配于天駿惠後人載謀載猷
庸蕝明經庶右享之降福維純 后稷

播時一章八句 初獻

惟神之德兆民賴之籩豆靜嘉是享是宜神具醉止
廢徹不遲報以介福如式如期

惟神一章八句 初獻

樂章

燾祭樂章

納氏恃雄彊入寇東北方縱傲誇以力鋒銳不可當
我后倍勇氣挺身衝心胸一射斃偏裨再射及魁戎
裏創不可救追奔星火馳風聲固可畏鶴唳亦堪疑
卓矣莫敢當東方永無虞功成在此舉垂之千萬秋

納氏一章十六句三獻同

親耕樂章

天粒我民誕降嘉穀稼穡惟難不自暇逸肇民農功
事我新田示民有道務本為先

天粒一章八句出大次

念我穡事曰亦既春于耜于耒必躬必親五推五反
古訓是式勸我天民惟民之則

念我一章八句耕籍

曰既耕止曰亦勤止上下臨只袞冕煌只萬目咸覩
如日之昇從善且有福祿是膺

曰既一章八句陞觀
耕壇

有儼其壇有振其芬嗟嗟宗公曰亦駿奔以耕以耜
以佑我王明神有賜迄用豐康

有儼一章八句東宮耕籍
諸臣同

觀刈樂章

時雨之若南風之薰王行于郊有稼如雲言刈其畝
我農勞止用薦清廟敷孝在祀

時雨一章八句

出大次

王有籍田制自上世以供粢盛太室之祭既親其耕
又觀其穫翼翼良疇穰穰嘉穀時薦惟馨孝享是用
農人奏功伶官獻頌

籍田一章十二句

觀刈○英宗丁卯○壬午再次
觀刈時既又二字並改作再

豐年多稼來牟孔碩維此觀刈我家成式青旗朱弦
稅于東籍自古躬畝示民禮樂

豐年一章八句

出大次

中田有秀蕤蕤油油千耦腰鎌載芟載收嘒嘒管聲
準彼農謳農謳維何祝王千秋

中田一章八句

觀刈

崇壇黼座化日昭明或陞或降采齊鏘鳴朱芾慈珩
五色金聲萬民咸覩是則是程

崇壇一章八句

陞壇及
降陞座

苑其青箱黃茂在中肅肅端冕顯顯儀容上帝之錫
曷敢不恭薦廟則孝成民曰功

苑其一章八句

受麥

禮儀告成邦用豐康凡厥庶民觀此神倉君子言旋

福祿來昌龍旗煌煌鑾聲鏘鏘

禮儀一章八句

還大次

亦既勞止嗟爾農民酌以大觥酬乃苦辛公堂稱彼宛其幽淳嘉與同樂卿士庶尹

亦既一章八句

勞酒

宗公左右濟濟蹌蹌各勤乃事率禮誦章黼黻王猷以琮以璜永言利見九五之光

宗公一章八句

諸臣拜禮○當宁辛丑

親蠶樂章

維蠶之利衣被生民道我女紅必躬必親苑彼桑柔

承我懿旨靡敢憚勤以訓四方

維蠶一章八句

出大次

威儀率度澍慎不忘曰嬪曰媼承事靡違陟降孔時禮云告成受天之祐惠我函生

威儀一章八句

還大次

大射禮樂章

思樂泮宮駕言戾止以享以祀禮儀率備既抗大侯弓矢斯張四鍤既樹萬民所望

思樂一章八句

御射

於樂泮宮於論鼓鐘允百卿士曰皆景從以燕以射

矢其德音獻爾發功罔有不欽

於樂一章八句

侍射

燕射禮樂章

當宁 癸卯

皇矣哉我后之德之純文經武緯昭令章外體直內
志正黜侯抗龍旌張白羽流芳成剡注舍矢如破網
四方皇矣哉我后之德之揚

皇矣一章七句

大夫君子御于王所則燕則射威儀孔偕十六其耦

大夫一章五句

進豐呈樂章

海東六龍飛莫非天所扶古聖同符

海東一章三句

根深之木風亦不抗有灼其華有蕢其實
源遠之水旱亦不竭流斯為川于海必達

根深二章章四句

昔周大王于豳斯依于豳斯依肇造丕基
今我始祖慶興是宅慶興是宅肇開鴻業

昔周二章章四句

狄人與處狄人于侵岐山之遷實維天心
野人與處野人不禮德源之徙實是天啓

文苑補後

卷二十一

樂章

三十一

狄人二章章四句

漆沮陶穴後聖以去帝業憂勤允也如彼
赤島陶穴今人猶視王業艱難允也如此

漆沮二章章四句

商德之衰將受九圍西水之滸如市之歸
麗運之衰將受大東東海之濱如市之從

商德二章章四句

赤爵銜書止室之戶聖子革命爰示帝祐
大蛇銜鵲寘樹之揚聖孫將興爰先嘉祥

赤爵二章章四句

維周太子維天擇兮兄讓既遂聖孫出兮
維我世子維天簡兮帝命既降聖子誕兮

維周二章章四句

奉天討罪諸侯四合聖化既久西夷亦集
唱義班師遠人競會聖化既深北狄亦至

奉天二章章四句

一夫流毒爰後我后玄黃筐篚于路迎候
狂夫肆虐爰後義旗單食壺漿于路望來

一夫二章章四句

虞芮質成方國多臻維其至德事獨夫辛

威化振旅與望咸聚惟其至忠立中興主

虞芮二章章四句

五年罔後虐政日深倒戈之日莫遂考心
始日聽讒兇謀日熾勸進之日莫遂素志

五年二章章四句

獻言雖衆天命尚疑昭茲吉夢帝迺趣而
謳歌雖衆天命靡知昭茲吉夢帝迺報之

獻言二章章四句

維我聖孫一怒而起六百年業洛陽是徙
維我聖子三讓雖堅五百年邦漢陽是遷

聖孫二章章四句

揚子江南忌且遣使七代之王誰能禦止
公州江南畏且訓嗣九變之局豈是人意

揚子二章章四句

恃命於逃信名於謳英主之前曷勝其羞
欲遷以幸擇姓以尹當今之日曷勝其哂

恃命二章章四句

千世默定漢水之陽累仁開國卜年無疆
子子孫孫聖神雖繼敬天勤民迺益永世
嗚呼嗣王監此洛表遊政皇祖其恃

千世三章二章章四句一章三句

惟皇鑑之孔明兮吉夢協于金尺清者老矣兮直其
懿兮有德焉是適帝用度吾心兮俾均齊于家國貞
我厥符兮受命之祥傳子及孫兮彌于千億

惟皇一章十句

惟帝之德昭格于天天降甘露地出醴泉河清龜見
靈芝曄曄金水瑞冰諸象布列五彩慶雲紛紛郁郁
浙江淝河感應昭宣禎祥之至前後縣縣大小稽首
天子萬年

惟帝至仁洽于民人鳥獸咸若瑞應昭陳于嗟騶虞

濯濯麒麟白鳥鮮明瑞祥柔馴獅子既見福祿來臻
玄兔白雉世不常有萬邦來賀罔敢或後小大稽首
天子萬壽

惟帝二章章十六句

於皇聖澤洽于萬方際天所覆莫不梯航惟我海邦
曰自先王式虔侯度寵章是服明昭我王允也繼述
克敬克誠昵承優渥翩翩使車載馳原隰自天子所
來蒞遐域王出郊迎如覩穆穆王拜稽首聖壽萬億
維王之誠維帝之德上下交泰慶流罔極

聖澤一章十六句

文苑叢書 卷二十一
法宮有嚴深九重一日萬機紛其叢君王要得民情
通大開言路達四聰開言路君不見我后之德與舜
同我后之德與舜同

開言路一章七句

聖人受命乘飛龍多士競起如雲從騁謀効力成厥
功誓以山河保始終保功臣君不見我后之德垂無
窮我后之德垂無窮

保功臣一章七句

經界壞矣久不修強并弱削相怠德我后正之期甫
周倉廩克富民息休正經界君不見烝哉樂愷享千

秋烝哉樂愷享千秋

正經界一章七句

為政之要在禮樂近自閨門達邦國我后定之垂典
則秩然以序和以豫定禮樂君不見功成治定配無
極功成治定配無極

定禮樂一章七句

朝會宴儀通用樂章

亶亶我王敬明其德誕撫盈成治道熙洽於萬斯年
受天之籙

亶亶一章六句

文苑叢書

卷二十一

樂章

四十一

於皇聖主盛德難名禮備樂和百度惟貞彌千萬世
永觀厥成

於皇一章六句

彼高矣山石與天齊于以剖之得之異書桓桓木子
乘時而作誰其輔之走肖其德非衣君子來自金城
三奠三邑贊而成之奠于新郝傳祚八百我龍受之
粵惟寶錄

彼高一章十六句

振振王子德音孔彰緝熙其學奎壁其章天子有旨
邦人震惶惟君父使不敢或違既見天子敷納維詳

貝錦消沮家國之昌勉勉王子夙遵義方專對來歸
宗社之光桓桓我王壽考而康王子來歸其樂無疆

振振一章二十句

於皇太祖聖德在躬應天順人奄有大東武威既戢
文治以隆深仁厚澤垂裕無窮於昭太宗繼序增功
德由敬明治以仁隆畏天事大終始一誠億萬斯年
永底豐亨

於皇二章十六句

赫赫始祖造我東方傳子及孫世有哲王金玉其相
天賦聰明既孝且悌既仁且誠緝熙聖學惟日亶亶

文苑補註 卷二十一
明昭父王允也知子迺倦于勤迺托國事皇帝曰俞
錫是明命王拜稽首皇帝神聖皇帝神聖恩溢朝鮮
小大舞蹈感極天淵絲絲宗社彌萬億年

赫赫一章二十四句

桓桓聖祖受天之龍既走納氏亦捷雲峯義旗言旋
取彼凶殘武功者定東民以安於赫太宗丕承武烈
撥亂定社群情胥悅野人是懲島夷奔命四方無虞
惟功之德

桓桓一章十六句

亶亶我王德明敬止孝友施政令望不已翼翼乃心

事大惟一奉揚聲教漸于出日帝錫明命金印斯煌
又何錫之袞衣九章王拜受命天子聖明臣民相慶
宗社與榮於樂我王荷天之休體仁保民壽考千秋
於樂我王如日之昇貽謀克正萬世其承

亶亶一章二十四句

於皇我后善養耆耄時和歲豐辰良日吉載賜壺矢
以永今夕黃髮始背威儀抑抑庶幾多祉並受其福
善養一章十句

附青詞

昭格署祈雨青詞

大道為萬有之宗孰究妙用至誠格三清之鑑可獲
陰扶茲竭卑棕恭陳淨醮念我否德叨襲丕基厥位
克艱無疆休亦無疆恤惟天可畏應以實不應以文
然闕遺之尚多致灾咎之荐至春不雨夏尚不雨恐
來牟未受厥明耕失時耘亦失時豈稼穡有相之道
雖切望霓之懇未有動天之誠纔興雨之邪邪旋出
日其杲杲雲欲聚而復散風使離之翳為虐而如焚
苗則槁矣農者國之本一穀不登則歲凶食為民之
天三日不食則命殞今既失候於東作亦復何望於
西成是雖繫人事之有愆恐或虧天心之生物予一

人宜受譴罰之酷彼萬姓忍罹凶歎之憂情激于中
心簡在上天高也星遠也母曰昏冥難知雲油然兩
沛然佇借扶任之力爰採冲科於金籙聿嚴法事於
琳宮伏願仙馭載回靈光丕顯雲同天而優渥月離
畢而霽沱曰雨曰暘曰燠曰寒曰風五者來備實種
實發實堅實好實粟百穀用成

摩尼山塹城醮三獻青詞

神之格不可度泯聲臭於上清微之顯必以誠昭靈
應於下界敢邀高駕以竭卑衷獻初
舉雲霓而儼臨洋洋如在薦圭璧而敬迓斷斷無他

淨醮既陳真境孔通

亞獻

運自然之妙用天何言哉施不測之陰功道莫尊矣
冀垂歆願曲察寅恭念惟丕基屬于寡德惠鮮鰥寡
憂怨咨之惟艱惕慮淵冰恐操存之或怠茲擇吉日
用設精禋伏望俯諒顛悛默加玄佑景福川至一人
永孚于休佳徵日臻萬姓咸得其所

終獻○大提學李珥製

壽星醮青詞

太虛寥廓泯聲臭於上清少陽昭回垂靈應於下界
肅迓玄馭恭設淨壇爽惟眇末之資格承艱大之緒
覲光揚烈憂丕基之或墜履薄臨深恐不祥之崇降

茲殫卑悃仰瀆高明諒日監之在茲庶陰庥之非遠
致令三光允協調一氣於洪勻五福交臻躋萬民於

壽域

大提學李珥製

分野星醮三獻青詞

經緯于天恒畏臨汝之鑑吉蠲以享恭陳格思之筵
庶諒丹忱暫離紫府亞獻
迥宅三清之境統御萬靈贊襄一中之分裁制庶物
瑤壇既淨仙馭可停亞獻
道歸幽玄聲臭雖藏於冲漠心存精白感通豈間於
顯微更挽冷風煩陳玉爵願予涼德切承丕基啣恤

靡依痛昊天而降割遭時不測恫小民之鞠凶况今
窮陰之候又何驚雷之發危懼慄慄深懲既往之愆
仰瞻昭昭冀免方來之患伏願雨暘燠寒之以節轉
災為祥岡陵山阜之作朋祈天永命

終獻
吳健製

太一醮三獻青詞

聲臭無聞雖厥命之未易視聽自我蓋有感則必通

肆竭丹虔庸叩玄造

初獻

璇闌啓金闕俯游氣之茫茫雲輶下玉霄御冷風之
颯颯精祈靡阻靈眷不遐

亞獻

水火金木土惟修天行自健雨暘燠寒風時若人事

有微予以眇末之資叨負神民之寄協五紀於箕範
齊七政於虞衡豈料涼德之致愆而名凶譴之罔極
方在周成之夜哀已棘於呼天矧饗商湯之身閔何
窮於望雨烈日慘其肆虐陰風淒以吹稜赤殆遍於
山川青欲盡於田野油雲乍合佇見興雨之邪邪微
澤旋收俄頃出日之杲杲正迫西成之節其奈南訛
之乖人無以為生當罹載飢載渴之痛歲難至大熟
寧覩如坻如京之豐八蜡未孚百神奚享願紆冲靈
之鑑遂霈屯慳之膏致令豐隆驅氛屏翳流渥轉禍
為福得五者來備之宜以和消災臻百穀用成之美

文苑黼黻卷之二
四十一
樂盛不缺於報侑民物共戴於冥庥

終獻○
具鳳齡製

昭格署真武醮青詞

靡神不告祀典咸秩於宮冥有感必通騰祐寧秘於
杳漠肆錫丹懇庸瀆玄闕顧惟眇躬叨續洪業上畏
難諶之天命下慄無常之民情右安思危恒存牖戶
之戒慎終惟始更切淵冰之憂茲當令辰式舉醮事
儻靈應之不昧宜盼饗之昭臨致令宗社鞏安丕闡
文明之化朝野清泰永無金革之聲

鳳齡製

具

文苑黼黻卷之二下

